



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

I. Intentio & scopus Auctoris & cur hic de controversiis quibusdam
religionis additae disputationes.

urn:nbn:de:hbz:466:1-10880

AUCTORIS SCOPUS IN HOC LIBRO;
ejusque excusatio quod de controversis quibusdam religionis articulis disputationes passim immiscentur.

CAPUT PRIMUM.

Si qui magnorum illorum mundi subactorum tres gestas memoria tradiderunt Titus Livius, aquam, Tacitus & alii accurate nobis sigillatim que descriptos reliquissent populorum mores, ordinem Religionis, Magistratum leges & politiam; magno nos labore sublevalsent in inquirendis, & tanquam in media nocte tot retro seculorum palpando indagandis munis Pontificum, ritibus Senatorum, Magistratum in eundem horis, formis judiciorum, aliisque rebus permultis, quae in illorum historiis desiderantur. Nam quod doctissimi nostro saeculo viri quatuor, Tutenbus, Lipsius, Manutius & Sigonius, multis gravibus que in locis adeo inter se dissentient, ut conciliari vix queant, id veterum illorum praeteriti temporis scriptorum, non nostrum sit vitio, qui ex tanta caligine lucem eruere non possumus. Plutarchus eadem molestia in re levius offensus, de his conqueritur, qui clarissimorum virorum, Niciae, Demosthenis, Phocionis, Thrasyluli, & Theramensis, qui Socratis aetate vixerant, matres nominibus suis indigitare, superioribus temporibus neglexissent. Idem ex altera parte non parum se debere profiteretur Platoni & Antistheni, quod ille paedagogi Alcibiadis, hic vero ejusdem nutricis nomen exprimere non supersedisset. Quin eadem scriptorum supina negligentia factum est, quod:

Septem urbes magni certant de patria Homeri,
Smyna, Rhodos, Colophon, Salamin, Chios, Argos,
Athene.

Sæpe inter illas ad arma ventum est hanc solam obcausam, quod unaquaque hunc sibi honorem attribueret, quod antiquissimi Poëtarum nutrix fuisse. Quæcausa est, cur semper existimaverim, magnum esse eorum vitium, qui rerum gestarum historias populorumque mores literis conformati aggrediuntur, si temporum suorum particularites (ut vocant) id est, etiam minuta quæque attingere prætentirant, quæ ut iam sine communione per valgaraque sequentibus tamens seculis non possunt non existimari rara.

Sævisum fuisse sanctis Patribus, aut Ecclesiasti-

æ historiæ scriptoribus, qui primis quinque seculis scripsierunt, omnium suæ ætatis hereticorum ritus, mores, ingenia & opiniones, & quid de quoque fidei articulo senserint, specialius & quasi minutatim persequi, quod illi crassus generaliusque fecerunt, non nisi prima illorum lineamenta exprimentes; puduisset, opinor, posteros originis suæ, erubuisseque tam pudendorum patrum se heredes prosteri. Sed factum est hoc fortasse ad supremanda illorum nomina (quem admodum olim illius, qui templum Diana Ephe-siæ incenderat, damnata memoria est) & ad fortidas illorum fortes ignorantiae tenebris obruentas.

Ego vero, quem infelix hoc seculum in abyssum hujus de ortu, progressu, & decremento novæ heresios Historiæ invitum precipitavit, evitandam mihi censui hanc culpam, in quam lapsi sunt veterum historici, ac monstrum hoc rotum representandum, cum ornatu suo, insignibus, armis, totoque novo suo apparatu atque instrumento, nec tantum ea exponenda, quæ in vultu, figura & habitu ejus exteriore conspicuntur, sed omnium interiorum ejus partium anatomiam faciendam, quo futurum seculum in ea cognoscenda non hallucinetur, & ut in lucem producatur iudiciorum heresi imminens condemnatio, faciatque præjudicium illi, quæ deinceps exstituta est. Extinctio enim Lutherano Calvinismo, aut in vallibus quibusdam, reliquiarum instar Valdensium Angrunicorum, occultato certe indies eum decrescere, manifestum est) sine dubio alia quædam heresi exorietur; quemadmodum ex Wiclephistis Hussite, ex Hussitis Lutherani, & ex his Calvinistæ originem traxerunt.

Qui meus labor gratus erit aliquando pia posteritati, dum non unguem tantum ut ex eo Leonem cognoscant, sed ferventes oculos horrentes pilos, ungulas dentesque cruentos & caudam, incitamentum adhuc furoris ipsius, denique leonem totum describo. Nec vero depingam hoc libro heresim informem adhuc, qualis erat quum nondum sublatis oculis lucem fugerer, & præ pudore in locis subterraneis delitescerit, aut ex uno Regni angulo in alterum, non secus ac sciurus de ramo in ramum, transfilaret, nec auderet in medium fori prodire: sed talem, qualis postmodum facta est, exaltatam videlicet, in solium gloriae sue, cum omni sua majestate & magnitudine, quum inebritata priorum sanguine, Ecclesiarum Christianarum ruinis,

O o 3 fun-



fundamenta sua inædificavit, & ex earum ruderibus muros suos fabricavit; Triste profecto tanti furoris & rabiei monumentum. Itaque hic liber ante oculos ponet ordinem, architecturam & polliam Ecclesiæ Calvinisticæ jam ad summum gradum perductæ, Templa ejus, Concessiones, Sacra menta, Consistoria, officia Ministrorum, Seniorum, Diaconorum & Superintendentium. Quo fieri, ut veteris Ecclesiæ pulchritudo, majestas & magnitudo tanto evadat conspectior, collata ad novæ hujus deformitatem, humilitatem, & vilitatem. Quod si, dum in hoc argumento versor, falcam, quod ajunt, immittio in alienam segetem, ad demetenda stirpium zizania, quæ Hæresis in pulcherimos Ecclesiæ campos copiose conjecit, quis id carpet? Si dubia quædam moveo ab eadem hæresi ad turbandom domus Dei unitatem excita ta, quæ est cur eo nomine reprehendar? Consilio certo id facio. Nam quemadmodum Synagogæ Hæreticorum scriptores historiis suis fabulosis capta quædam in Religione controversa passim insperferunt, ut Lector unà cum narrationibus ipsorum, doctrinæ, quam illi propinan, facilius percipiat gustum: ita mihi quoque hoc propositum fuit, ut Lector, dum historiam legit Hæreses, simul agnoscat fallacem doctrinam erraticorum illorum, spiritum, inquam, malitiosorum & fraudulentiorum, quos hæresis produxit: eademq; opera intel ligat imprudentiam, ne dicam stuporem & infamiam miserorum illorum, qui capi se & in casses induci sunt passi dulci eorum cantu, qui primi eos aggressi sunt, eo ipso ostendentes, quemadmodum ii, qui minimo quoque auræ afflato frigescunt, parum firmæ sunt valetudinis, ita infirmam quoque admodum fuisse fidem ipsorum, & conscientiam maligno aliquo spiritu exagitatam, propterea quod relicta magna illa & regia via Ecclesiæ, in deserta atque avia loca sese contulerunt. Nec tamen tanta utar in hac tractatione, subtilitate, quin ii, quibus præcipue mea elaborata sunt scripta, ad novæ istius Theologiaz fundum & interiora ejusdem adyta queant penetrare, semperque veritatis aliquo radio collustrari.

(* *)

SCRIPTURAM SOLAM, ID EST, NOVAS hominum privatorum interpretationes, omnium hæreſeon esse fundamentum.

CAPUT SECUNDUM.

ARGUMENTUM.

- I. Omnes hæretici inde se perdiderunt, quod S. Scripturam ad suū sensum interpretari conati sunt.
- II. Quodnam posuerit Calvinus doctrina sua fundamentum.
- III. Hæretici quod volent in Scripturis reuenantur.
- IV. Primitiva Ecclesia in ipso statim ortu extincta ac perditæ fuisse, si Calvinus regulam voluisse sequi.
- V. Sola S. Scriptura littera non facit Christianum.
- VI. Antiquitatis respectus firmissimum semper fuit Ecclesia munimentum.
- VII. Quomodo humana traditiones ab Ecclesia traditionibus distingued & sint.

I. **E**X præcedentibus libris didicistis, omnibus istis hæreticis, qui Germaniam, Galliam & Belgium infestarunt (astutiores illos dico) nihil in ore esse, nisi Scripturam, nihil eos velle credere, nisi Scriptura contineatur, ex Scriptura formare omnes suas chimeras & nugas, ex Scriptura suam sibi quemque Religionem suo arbitratu fingere, Scripturam in omnes sensus, non aliter ac molle ceram in omnes figuræ, variare. Idem fecerunt omnes illorū antecessores, inde à Patriarcha illorū Simone, qui semper magistrale quandā auctoritatem in Scripturam sibi arrogarunt. Nam quemadmodum ex iisdem floribus aranea venenum, apis vero mel exsugit: eadem plane ratione ex Scriptæ sacræ locis, unde tot sanctas divinasque meditationes sancti Patres exsculpserunt, isti mille errores, mille opinionum monstra hauserunt. Sic ex eadem Scriptura & salus profiscitur, & perditio: quemadmodum Poëta non sine mysterio fabulantur, sanguinem Gorgonis, qui ex dextri lateris venis profuebat, omnis generis morbos sanasse, sinistri vero lateris sanguinem perniciosum fuisse & lethalem. Quapropter non sine causa dixit Lutherus, Scripturam esse librum Hæreticorum, & solem oculis etiam maxime lippie-